



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXXIV. Literæ Processus S. D. N. Clementis Papæ X. lectæ die Cœnæ
Domini. Anno 1671.

[urn:nbn:de:hbz:466:1-74833](#)

deliberatione nostris, deque Apostolica potestatis plenitudine attentata prædicta revocanda esse, nullumque jus competere Fratribus Excalceatis Hispaniæ super illo Monasterio Ulyssipone eretto pro cura Monialium; neque esse locum dismembrationi illius à Religione, nec esse locum erectioni novorum Conventuum Fratrum Discalceatorum Ordinis Sancti Augustini in Regno Lusitania tenore præsentium decernimus, & declaramus; ac propterea illos erigi, aut fundari, harum serie prohibemus; & predictis Fratribus Excalceatis circa suprascriptam controversiam perpetuum silentium imponimus.

Clausulæ
præservati-
va.

§. 3. Decernentes easdem præsentes literas, & in eis contenta quæcumque etiam ex eo, quod prefati Fratres Excalceati, seu alii quilibet in præmissis interesse habentes, seu habere prætententes illis non consenserint, nec ad ea vocati, citati, & auditи fuerint, seu ex alia quacumque causa, colore, prætextu, & capite, etiam in corpore Juris clauso, nullo unquam tempore de subreptionis, vel obreptionis, aut nullitatis vitio, seu intentionis nostra, aut interesse habentium consensu, aliove quilibet etiam formali, & substantiali defecitu notari, impugnari, infringi, retractari, aut ad terminos juris reduci, seu in controversiam vocari, aut adversus illas aperitionis oris, restitutioonis in integrum, aliudvè quodcumque Juris, facti, vel gratis remedium intentari, vel impestrari, seu impetrari, etiam motu, scientia, & potestatis plenitudine paribus concessio, vel emanatio quempiam in Judicio, vel extra illud uti, seu se juvare posse, sed ipsas præsentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quandcumque spectabit inviolabiliter observari, & illis respectivè in omnibus, & per omnia plenissimè suffragari.

Ita judicari
mandat.

§. 4. Sicut & non aliter in præmissis per quoscumque Judices Ordinarios, & Delegatos etiam Caſarum Palati Apostolici Auditores, ac Sancte Romana Ecclesiæ Cardinales, etiam de latere Legatos, & Apostolice Sedis Nuntios, sublata eis, & eorum cuiilibet quavis aliter judicandi, & interpretandi facultate, & auctoritate, judicari, & definiri debere, ac irritum, & inane si fecerit super his à quoquam quavis auctoritate scienter, vel ignoranter contigerit attentari.

Executorum
deputat.

§. 5. Quocirca Venerabili Fratri Francisco Archiepiscopo Sidonensi moderno, & pro tempore existenti nostro, & dicta Sedis in Portugaliæ, & Algarbiorum Regni Nuncio per præsentes motu pari committimus, & mandamus, quatenus ipse per se, vel per alium, seu alios præsentes literas, & in eis contenta quacumque ubi, & quando opus fuerit, & quoties pro parte interesse in præmissis habentium, seu alicuius eorum, defuper fuerit requisitus, solemniter publicans, illisque in eisdem præmissis efficacis defensionis præsidio assistens, faciat auctoritate nostra illos, & eorum quilibet præsentium litterarum, & in eis contentorum hujusmodi commodo, & effectu pacifice frui, & gaudere. Non permittens illos desuper à quoquam quavis auctoritate quomodolibet indebet molestari, perturbari, vel inquietari. Contradictores quilibet, & rebelles per sententias, censuras, & penas Ecclesiasticas, aliaque opportuna Juris, & facti remedia appellatione postposita, compescendo, legitimisque super his habendis servatis processibus censuras, & penas ipsas, etiam iteratis vicibus aggravando; invocato etiam ad hoc, si opus fuerit, auxilio brachii secularis.

Contraria
removeret.

§. 6. Non obstantibus felicis recordationis Bonifacii Papæ Octavi Prædecessoris nostri de una, & Concilii Generalis de duabus dietis, dummodo ultra tres dietas aliquis auctoritate præsentium in judicium non trahatur, alisque Constitu-

tutionibus, & ordinationibus Apostolicis, nec non quatenus opus sit, Ordinis, & Congregationis Fratrum Excalceatorum hujusmodi aliiive quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque indulitis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressi, & infertis habentes, illis alias in suo labore permanens ad præmissorum effectum hacten dumtaxat specialiter, & expresse derogamus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris, die 27. Febr. 1671. Pontificatus Nostri Anno Primo.

Dat. P. A. I.
die 27. Febr.

Literæ Processus S. D. N. Clementis Papæ X, lectæ die Cœnæ Domini, Anno 1671.

XXXIV.

De hac materia vide que notavi ad Conf. 16. Pastoralis, Alexand. VII.

CLEMENS EPISCOPUS,

Edita A. D.
1671.

Servus Servorum Dei. Ad futuram rei memoriam.

Pastoralis Romani Pontificis vigilantia, & sollicitudo, cum in omni Christiana Reipublica pace, & tranquillitate procuranda, pro sui muneros officio assidue versatur, tum portissimum in Catholica fidei, sine qua impossibile est placere Deo, unitate, atque integritate retinenda, & conservanda, maximè elucet. Nimurum, ut fideli Christi non sint parvuli fluctuantes, neque circumferantur omni vento doctrina in nequitia hominum, ad circumventionem erroris: sed omnes occurant in unitatem fidei, & agnitionis filii Dei in virum perfectum, neque se in hujus vita societate, & communione lendant, aut inter se alter alteri offensionem præbeat, sed potius in vinculo charitatis conjuncti, tanquam unius corporis membra sub Christo capite, ejusque in terris Vicario Romano Pontifice Beatisimi Petri Successore, à quo totius Ecclesiæ unitas dimanat, augeantur in ædificationem, atque ita divina gratia adjutrice, si præsens vita quiete gaudent, ut futura quoque beatitudine perfruantur. Ob quas famè causas Romani Pontifices Prædecessores nostri, hodierna die, que anniversaria Dominicæ Cœna commemoratione solemnis est, spiritualem Ecclesiasticae discipline gladium, & salutaria justitia arma per ministerium Summi Apostolatus ad Dei gloriam, & animarum salutem solemniter exercere consueverunt. Nos igitur, qui bus nihil optabilis est, quam fidei inviolatam integratem, publicam pacem, & justitiam Deo auctore, rueri, vetustum, & solemnen hunc momentum sequentes.

Excommu-
nictur.

§. 1. Excommunicamus, & anathematizamus, ex parte Dei Omnipotens Patris, & Filii, & Spiritus Sancti, auctoritate quoque Beatorum Apostolorum Petri, & Pauli, ac Nostra, quoquaque Hussitas, Wichelephistas, Lutheranos, Zwingianos, Calvinistas, Ugonotos, Anabaptistas, Trinitarios, & à Christiana fide Apostatas, ac omnes, & singulos alios Hæreticos quoquaque nomine censeantur, & cujuscumque fæctæ existant, ac eis credentes, corumque receptatores, fautores, & generaliter quilibet illorum defensores, ac eorumdem libros hæresim continentis, vel de Religione tractantes, sive auctoritate nostra, & Sedis Apostolica scienter legentes, aut retinentes, imprimentes, seu quomodolibet defendantes ex quavis causa publicè, vel occultè, quovis ingenio,

Hæretici eu-
julcumque
fæctæ & ieo-
rum fautores
libros legen-
tes, tenentes &
imprimen-

vel colore, nec non Schismaticos, & eos, qui se à præminentia, conditionis, & status, etiam si Pontificali, seu Regali, aut alia quavis Ecclesiastica, vel mundana præfulgeant dignitate.

§. 2. Item excommunicamus, & anathematizamus omnes, & singulos cuiuscumque status, gradus, seu conditionis fuerint; Universitates vero, Collegia, & Capitula quoconque nomine nuncupentur, interdicimus, ab ordinationibus, seu mandatis nostris, ac Romanorum Pontificum pro tempore existentium ad universale futurum Concilium appellantes, nec non eos, quorum auxilio, consilio, vel favore, appellatum fuerit.

§. 3. Item excommunicamus, & anathematizamus omnes Piratas, Cursarios, ac Latrunculos maritimos, discurrentes Mare nostrum, præcipue à monte Argentario usque ad Terracinam, ac omnes eorum fautores, receptatores, & defensores.

§. 4. Item excommunicamus, & anathematizamus omnes, & singulos, qui Christianorum quorundamque Navibus, tempestate, seu in transversum (ut dici solet) jactatis, vel quoquomodo naufragium passis, sive in ipsis navibus, sive ex eisdem ejeta in mari, vel in littore inventa, cuiuscumque generis bona, tam in nostris Tyrrheni, & Adriatici, quam in ceteris cuiuscumque maris Regionibus, & littoribus, surripuerint; ita ut nec ob quodcumque privilegium, consuetudinem, aut longissimi, & immemorabilis temporis possessionem, seu alium quemcumque prætextum excusari possint.

§. 5. Item excommunicamus, & anathematizamus omnes, qui in Terris suis nova pedagia, seu gabellas, præterquam in castris sibi à jure, seu ex speciali Sedis Apostolice licentia permisisse impunis, vel augent, seu imponi, vel augeri prohibita exigunt.

§. 6. Item excommunicamus, & anathematizamus omnes falsarios litterarum Apostolicarum, etiam in forma Brevis, ac Supplicationum, gratiam, vel justitiam concernentium per Romanum Pontificem, vel S. R. E. Vicecancellarios, seu gerentes vices eorum, aut de mandato ejusdem Romanii Pontificis signatarum, necnon falso publicantes litteras Apostolicas, etiam in forma Brevis & etiam falso signantes supplications hujusmodi sub nomine Romani Pontificis, seu Vicecancellarii, aut gerentium vices prædictorum.

§. 7. Item excommunicamus, & anathematizamus omnes illos, qui ad Saracenos, Turcas, & alios Christiani nominis hostes, & inimicos, vel Hereticos per nostras, sive hujus sanctæ Sedis sententias expresè, & nominatim declaratos, deferunt seu transmittunt equos, arma, ferrum, filum ferri, stannum, chalybem, omniaque alia metallorum genera, atque bellica instrumenta, lignamina, canabem, funes, rām ex ipso canabe, quam alia quacunque materia, & ipsam materiam, alia que hujusmodi, quibus Christianos, & Catholicos impugnant, necnon illos, qui per se, vel alios de rebus statim Christianæ Reipublicæ concernentibus, in Christianorum perniciem, & damnum, ipsos Turcas & Christianæ Religionis inimicos, necnon Hæreticos, in damnum Catholicæ Religionis, certiores faciunt, illisque ad id auxilium, consilium vel favorem quomodolibet præstant. Non obstantibus quibuscumque privilegiis, quibusvis personis, Principibus, Rebuspublicis, per Nos, & Sedem prædictam haec tenus concessis, de hujusmodi prohibitione expressam mentionem non facientibus.

§. 8. Item excommunicamus, & anathematizamus omnes impeditores, seu invadentes eos, qui vietualia, seu alia ad usum Rom. Curia necessaria adducunt, ac etiam eos, qui, ne ad Rom. Curiam adducantur, vel afferantur, prohibent, impediti sunt perturbant, seu hac facientes defendunt per se, vel alios cuiuscumque fuerint ordinis,

§. 9. Item excommunicamus, & anathematizamus omnes illos, qui ad Sedem Apostolicam venientes, & recedentes ab eadem, sua, vel aliorum opera interficiunt, mutilant, spoliant, capiunt, detinent, necnon illos omnes, qui jurisdictionem ordinariam, vel delegatam, à Nobis, vel Nostris Judicibus non habentes, illam sibi temere vendicantes, similia, contra morantes in eadem Curia, audent perpetrare.

§. 10. Item excommunicamus, & anathematizamus omnes interficiens, mutilantes, vulnerantes, detinentes, capientes, carcerantes, detinentes, vel hostiliter insequentes S. R. E. Cardinales, Patriarchas, Archiepiscopos, Episcopos, Sedisque Apostolica Legatos, vel Nuncios, aut eos à suis Diocesis, Territoris, Terris, seu Dominiis ejientes; Necnon ea mandantes, vel rata habentes, seu præstantes in eis auxilium, consilium, vel favorem.

§. 11. Item excommunicamus, & anathematizamus omnes interficiens, mutilantes, vulnerantes, percutientes, capientes, carcerantes, detinentes, vel hostiliter insequentes S. R. E. Cardinales, Patriarchas, Archiepiscopos, Episcopos, Sedisque Apostolica Legatos, vel Nuncios, aut eos à suis Diocesis, Territoris, Terris, seu Dominiis ejientes; Necnon ea mandantes, vel rata habentes, seu præstantes in eis auxilium, consilium, vel favorem.

§. 12. Item excommunicamus, & anathematizamus omnes illos, qui per se, vel per alios, personas Ecclesiasticas quascumque, vel seculares ad Romanam Curiam super eorum causis, & negotiis recurrentes, ac illa in eadem Curia prosequentes, aut procurantes negotiorumque gestores, Advocatos, Procuratores, & agentes, seu etiam Auditores, vel Judices super dictis causis, vel negotiis deputatos, occasione caufarum, vel negotiorum hujusmodi, occidunt, seu quoquomodo percutiunt; bonis spoliant, seu qui per se, vel per alios directe, vel indirecte, delicta hujusmodi committere, exequi, vel procurare, aut in eisdem auxilium, consilium, vel favorem praestare non ventur cujuscumque præminentia, & dignitas fuerint.

§. 13. Item excommunicamus, & anathematizamus omnes tam Ecclesiasticos, quam seculares cujuscumque dignitatis, qui prætententes frivolum quandam appellationem à gravamine, vel futura executione liter. Apost. etiam in forma Brevis, tam gratiam, quam justitiam concernentium: Necnon citationum, inhibitionum, sequestrorum, monitoriorum, processuum executoriorum, & aliorum Decretorum à Nobis, & à Sede prædicta, seu Legatis, Nuncio, Praesidentibus, Palatiis nostris, & Camera Apostolica Auditoribus, Commissariis, aliisque Judicibus, & Delegatis Apostolicis emanatorum, & quæ pro tempore emanaverint, aut alias ad Curias seculares, & laicam potestatem recurrent, & ab ea, instante etiam Fisci Procuratore, vel Advocato, appellations hujusmodi admitti, ac litteras, citationes, inhibitiones, sequestra, monitoria, & alia prædicta, capi, & retineri faciunt, quive illa simpliciter, vel sine eorum beneplacito, & consensu, vel examine exequitioni demandari, aut ne Tabelliones, & Notarii, super hujusmodi literarum, & processuum exequitione, instrumenta, vel acta confidere, aut conferre parti, cuius interest, tradere debeant impediti sunt, vel prohibent, ac etiam partes, seu eorum agentes, consanguineos, affines, familiares, Notarios, exequatores, & subsequentes litterarum, citationum, monitoriorum, & aliorum prædictorum capiunt, percutiunt, vulnerant, carcerant, detinent, ex Civitatibus, Locis, & Regnis ejiciunt, bonis spoliant, perterritrefaciunt, concutunt, & comminuantur per se, vel alium, seu alios, publicè, vel occultè, quive alias quibuscumque perso-

Officiers
d. S. R. E.
Cardinales

Appellantes
a gravamine
vel futura
executione
liter. Apost.
etiam in for-
ma Brevis
ad Cur. &
cul.

nis in genere, vel in specie, ne pro quibusvis eorum negotiis prosequendis, seu gratiis, vel literis impetrandis ad Rom. Cur. accedant, aut recursum habeant, seu gratias ipsas, vel literas à dicta Sede impetrant, seu impetratis utantur, directe, vel indirecte prohibete, statuere, seu mandare, vel eas apud se, aut Notarios, seu tabelliones, vel alias quomodolibet retinere presumunt.

§. 14. Item excommunicamus, & anathematizamus omnes, & quoscumque, qui per se, vel alios, auctoritate propria, ac de facto quarumcumque exemptionum, vel aliarum gratiarum, & literarum Apostolicarum praetextu beneficiales, & decimatarum, ac alias causas spirituales, & spiritualibus annexas, ab Auditoribus, & Commissariis nostris, aliisque Judicibus Ecclesiasticis avocant; illorumvè cursum, & audientiam, ac personas, Capitula, Conventus, Collegia, causas ipsas prosequi volentes impeditant, ac se de illarum cognitione tanquam Judices interponunt. Quive partes astrictae, que illas committi fecerunt, & faciunt, ad revocandum, & revocari faciendum citationes, vel inhibitiones, aut alias litteras in eis decretatas, ad faciendum, vel consentiendum eis, contra quos tales inhibitiones emanarunt, a censuris, & penis in illis contentis absolvit, per statutum, vel alias, compellunt, vel executionem literarum Apostolicarum, seu executorialium, processuum, ac decretorum praeditorum, quomodolibet impedit, vel suum ad id favorem, consilium, aut assensum praestant, etiam praetextu violentiae prohibenda, vel aliarum prætentionum, seu etiam donec ipsi ad Nos informando, ut dicunt supplicaverint, aut supplicari fecerint, nisi supplicationes hujusmodi coram Nobis, & Sede Apostolica legitimè prosequantur, etiam talia committentes fuerint Praesidentes Cancellariarum, Consiliorum, Parlamentorum, Cancellarii, Vicecancellarii, Consiliarii, Ordinarii, vel extraordinarii quorūcumque Principum secularium, etiam Imperiali, Regali, Ducali, vel alia quacumque præfulgent dignitate, aut Archiepiscopi, Episcopi, Abbates, Commandatarii, seu Vicarii fuerint.

Judices secularares trahentes personas Ecclesiasticas, ad sua Trib. vel alios Ecclesiasticas libertatem quomodolibet ludentes.

§. 15. Quive ex eorum prætenso officio, vel ad instantiam partis, aut aliorum quorumcumque, personas Ecclesiasticas, Capitula, Conventus, Collegia, Ecclesiarum quarumcumque coram se ad suum Tribunal, Audientiam, Cancellarium, Consilium, vel Parlamentum, præter Juris Canonici dispositionem trahunt, vel trahi faciunt, vel procurant directe, vel indirecte, quovis quæsto colore: Necnon qui statuta, ordinationes, constitutiones, pragmatics, seu quævis alia decreta in genere, vel in specie, ex quavis causa, & quovis quæsto colore, ac etiam praetextu cuiusvis consuetudinis, aut privilegii, vel alias quomodolibet fecerint, & ordinaverint, & publicaverint, vel factis, & ordinatis usi fuerint, unde libertas Ecclesiastica tollitur, seu in aliquo lèditur, vel deprimitur, aut alias quovis modo restringitur, seu nostraris, & dicta Sedis, ac quarumcumque Ecclesiarum juribus quomodolibet directe, vel indirecte, tacite, vel expresse præjudicatur.

§. 16. Necnon qui Archiepiscopos, Episcopos, aliosque Superiores, & inferiores Prelatos, & omnes alios quoscumque Judices Ecclesiasticos ordinarios quomodolibet hac de causa directe, vel indirecte carcerando, vel molestando eorum agentes, procuratores, familiares, necnon consanguineos, & affines, aut alias impedit, quo minus sua jurisdictione Ecclesiastica contra quorūcumque utantur, secundum quod Canones, & Sacrae Constitutiones Ecclesiasticae, & Decreta Conciliorum generalium, & præsertim Tridentini, statuant, ac etiam eos, qui post ipsorum Ordinacionem, vel etiam ab eis delegatorum quorūcumque sententias, & decreta, aut alias fori Ecclesiastici judicium eludentes, ad Cancellarias, &

alias Curias seculares recurrent, & ab illis prohibitions, & mandata etiam penalia Ordinaris, & delegatis prædictis decerni, & contra illos execu-
procurant, eos quoque qui haec decernunt, & exequuntur, seu dant auxilium, consilium, patroci-
nium, & favorem in eisdem.

§. 17. Quiè jurisdictiones, seu fructus, reditus, & progenitus ad Nos, & Sedem Apostolica-
cam, & quescumque Ecclesiasticas personas ratione Ecclesiarum, Monasteriorum, & aliorum beneficiorium Ecclesiastichorum pertinentes usur-
pant, vel etiam quavis occasione, vel causa, sine Romani Pontificis, vel aliorum ad id legitimam facultatem habentium expressa licentia seque-
strant.

§. 18. Qui collectas, decimas, talleas, præstantias, & alia onera Clericis, Prelatis, & aliis personis Ecclesiasticis, ac eorum & Ecclesiastatum, Monasteriorum, & aliorum beneficiorum Ecclesiastorum bonis, illorumque fructibus, redditibus, & proventibus hujusmodi absque simili Romani Pontificis speciali, & expressa licentia impo-
nunt, & diversis etiam exquisitis modis exigunt, aut sic imposita, etiam a sponte dantibus, & concedentibus, recipiant. Nec non qui per se, vel alios directe, vel indirecte prædicta facere, exequi, vel procurare, aut in eisdem auxilium, consilium, vel favorem praefare non verentur, cujuscumque sint præminentia, dignitatis, ordinis conditionis, aut status, etiam Imperiali, aut Regali præfulgent dignitate, seu Princes, Dukes, Comites, Barones, & alii potentatus qui-
cumque, etiam Regni, Provinciæ, Civitatibus, & Terris quoquomo Præsidentes, Consiliarii, & Senatores, aut quavis etiam Pontificali dignitate insigniti. Innovantes decreta super his per Sacros Canones, tam in Lateranensi novissime celebri, quam alii Concilii generalibus edita, etiam cum censuris, & penis in eis contentis,

§. 19. Item excommunicamus, & anathematizamus omnes, & quoscumque Magistratus, & Juges, Notarios, Scribas, executores, subfec-
tores quomodolibet se interponentes in causis capitalibus, seu criminalibus contra personas Ecclesiasticas, illas processando, banniendo, capien-
do seu sententias contra illas proferendo, vel exequendo, sine speciali, specifica, & expressa hujus Sanctæ Sedis Apostolicae licentia, quique hujusmodi licentiam ad personas, & causas non expressos extendunt, vel alias illa perperam abutuntur, etiam talia committentes fuerint Consiliarii, Se-
natores, Præsidentes, Cancellarii, Vicecancellarii, aut quovis alio nomine nuncupati.

§. 20. Item excommunicamus, & anathematizamus omnes illos, qui per se, seu alios directe, vel indirecte sub quocumque titulo, vel colore invadere, destruere, occupare, & detinere præsumpti-
re in totum, vel in partem, Almam Urbem, Re-
gnum Siciliae, Insulas Sardiniae, & Corsice, Ter-
ras circa Pharum, Patrimonium Beati Petri in Thuf-
cia, Ducatum Spoletanum, Comitatum Venaysinum, Sabinensem, Marchia Anconitanæ, Massa Treba-
ritæ, Romandiæ, Campania & Maritimæ Pro-
vincias, illarumque Terras, & loca, ac Terras specialis commissionis Arnulforum, Civitatesque nostra Bononiæ, Cafenam, Ariminum, Bene-
ventum, Perusium, Avenionem, Civitatem Ca-
stelli, Tuderum, Ferrariam, Comaclum, & alias Civitates, Terras, & loca, vel iura ad ipsam Romanam Ecclesiam pertinentia, dictaque Rom. Eccl. mediæ, vel immediate subiecta: necnon supremam jurisdictionem in illis Nobis & eidem Romanæ Ecclesie competentem de facto usurpare, perturbare, retinere, & vexare variis modis præsumunt, necnon adhærentes, fautores, & defensores eorum, seu illis auxilium, consilium, vel favorem quomodolibet præstantes. Volentes præ-
fentes Nostros processus, ac omnia, & quæcumque his literis contenta, quoque alii hujusmodi

Hæc Conf.
quoscumque
liger.

Auxilium
præstant. usur-
pantibus Se-
dis Apost. vel
Ecclesiast. juridicō-
nes.

processus à Nobis, aut Röm. Pont. pro tempore existente fiant, aut publicentur, durare, suosque effectus omnino fortiri.

S. 21. Ceterum à prædictis sententiis nullus per alium quam per Romanum Pontificem, nisi in mortis articulo constitutus, nec etiam tunc, nisi de stando Ecclesiæ mandatis, & satisfaciendo cautione præfita, absolvit possit, etiam prætextu quærumvis facultatum, & indultorum quibuscumque personis Ecclesiasticis, secularibus, & quorumvis Ordinum etiam Mendicantium, ac Militarium Regularibus, etiam Episcopali, vel alia majori dignitate præditis, ipsique Ordinibus, & eorum Monasteriis, Conventibus, & Dominibus, ac Capitulis, Collegiis, Confraternitatibus, Congregationibus, Hospitalibus, & locis piis, nec non laicis, etiam Imperiali, Regali, & alia mundana excellentia fulgentibus, per Nos, & dictam Sedem, ac cuiusvis Concilii decreta, verbo, literis, aut alia quacumque scriptura in genere, vel in specie concessorum, & innovatorum, aut concedendorum, & innovandorum.

S. 22. Quod si forte aliqui contra tenorem præsentium talibus excommunicatione, & anathematice laqueatis, vel eorum alicui absolutionis beneficium impendere de facto præsumperint, eos excommunicationis sententia innodamus, gravius contra eos spiritualiter, & temporaliter, prout expedire noverimus processuri.

S. 23. Declarantes, ac protestantes quacumque absolutionem, etiam solemniter per Nos faciendam, prædictos excommunicatos sub præsentibus comprehensos, nisi prius à præmissis, cum vero proposito ulterius similia non committendi desiderent; Ac quod eos, qui contra Ecclesiasticanam libertatem, ut præfertur, statuta fecerint, nisi prius statuta, ordinations, Constitutiones, pragmáticas, & decreta hujusmodi publice revocaverint, & ex Archivis, seu capituloaribus locis, aut libris in quibus annotata reperiuntur deleri, & castari, ac Nos de revocatione hujusmodi certiores fecerint, eos non comprehendere, nec eis alter suffragari, cum etiam per hujusmodi absolutionem, aut quoescumque alias actus contrarios, tacitos, vel expressos, ac etiam per patientiam, & tolerantiam nostram, vel Successorum nostrorum quantocumque tempore continuatam in præmissis omnibus, & singulis, ac quibuscumque juribus Sedis Apost. ac S. R. E. undecumque, & quandcumque quæstis, vel querendis nullatenus præjudicari posse, aut debere.

S. 24. Non obstantibus privilegiis, indulgentiis, indultis, & literis Apostolicis generalibus, vel specialibus supradictis, vel corum alicui, seu aliquibus aliis cuiuscumque Ordinis, status, vel conditionis, dignitatis, & præminentie fient, etiam ut præmititur Pontificali, Imperiali, Regali, seu quavis Ecclesiastica, & mundana præfulgeant dignitate: vel eorum Regnis, Provinciis, Civitatibus, seu locis à prædicta Sede, ex quavis causa, etiam per viam contractus, aut remuneratio[n]is, & sub quavis alia forma, & tenore, ac cum quibusvis clausulis etiam derogatoriis derogatoriis concessis, etiam continentibus, quod excommunicari, anathematizari, vel interdicti non possint, per litteras Apostolicas non facientes plenam, & expressam, ac de verbo ad verbum de privilegiis, indulgentiis, & indultis hujusmodi, ac de ordinibus, locis, & nominibus propriis, cognominibus & dignitatibus eorum mentionem, nec non confuetudinibus etiam immemorabilibus, ac præscriptionibus quantumcumque longissimis, & aliis quibuslibet observantiis, scriptis, vel non scriptis, per quæ contra hos nostros processus, ac sententias quomodo incluantur in eis, se juvare valent, vel tueri.

S. 25. Quæ omnia, quoad hoc, eorum omnium tenores, ac si ad verbum, nihil penitus omisso, insererentur, præsentibus pro expressis habentes,

penitus tollimus, & omnino revocamus, ceteris que contrariis quibuscumque.

S. 26. Ut vero præsentes nostri processus ad publicam omnium notitiam facilis deducantur, chartas, seu membranas processus ipsos continentes, valvis Ecclesiæ S. Jo. Lateranensis, & Basilice Principis Apostolorum de Urbe appendi faciemus, ut ii, quos processus hujusmodi concernunt, quod ad ipsos non pervenerint, aut quod ipsos ignoraverint, nullam possint excusationem pretendere, aut ignorantiam allegare, cum non sit verisimile id remanere incognitum, quod tam patenter omnibus publicatur.

S. 27. Infuper, ut processus ipsi, & præsentes Litteræ, ac omnia, & singula in eis contenta eo fiant notiora, quo in plerisque Civitatibus, & locis fuerint publicata, universis, & singulis Patriarchis, Primatibus, Archiepiscopis, Episcopis, & locorum Ordinaris, & Prælatis ubilibet constitutis, per hæc scripta committimus, & in virtute sanctæ obedientiæ districte precipiendo mandamus, ut per se, vel alium, vel alios præfentes Literas postquam eas receperint, seu earum habuerint notitiam, semel in anno, aut si expedire viderint, etiam plures in Ecclesiæ suis, dum in eis major populi multitudine ad divina convenerit, solemniter publicent, & ad Christifidelium mentes reducant, nuncient, & declarent.

S. 28. Ceterum Patriarcha, Archiepiscopi, Episcopi, aliquique locorum Ordinarii, & Ecclesiæ Praelati, nec non Rectores, ceteraque curam animarum exercentes, ac Presbyteri seculares, & quorumvis Ordinum Regulares ad audiendas peccatorum confessiones, quavis auctoritate deputati, transumptum præsentium Litterarum penes se habeant, easque diligenter legere, & percipere studeant.

S. 29. Volentes earumdem præsentium transumptis etiam impressis, Notarii publici manu subscriptis, & sigillo Judicis ordinarii Romanae Curæ, vel alterius personæ in dignitate Ecclesiastica constituta munitis eandem prorsus fidem in judicio, & extra illud ubique locorum adhibendum fore, quæ ipsis præsentibus adhiberetur, si essent exhibita, vel ostenta.

S. 30. Nulli ergo omnino hominum licet hanc paginam nostræ excommunicationis, anathematizationis, interdicti, innovationis, innodationis, declarationis, protestationis, sublationis, revocationis, commissionis, mandati, & voluntatis infringere, vel ei ansu temerario contraire. Si quis autem hoc attentare præsumferit, indignationem Omnipotentis Dei, ac Beatorum Petri, & Pauli Apostolorum ejus, se noverit in cursurum.

Datum Romæ apud Sanctum Petrum, Anno Incarnationis Dominicae millesimo sexcentesimo septuagesimo primo, septimo Kal. Aprilis, Pontificatus Nostri Anno Primo.

Die, mense, & anno, quibus supra dicta Bulla affixa fuit ad valvas Basilice Apostolorum SS. Petri, & Pauli, S. Jo. Lateranen. S. Mariae Majoris, & alia loca solita, & consueta Urbis per me Matthæum Bertarellum Sanctiss. D. N. Papæ Curs.

Pro D. Mag. Curs. Egidius Felicius Curs.

Monasteria aliqua pro studiis Generalibus Fratrum Ordinis S. Pauli primi Eremitæ in Hungaria, Polonia, Austria, Croatia, & in Suevia, & in Urbe Roma statuit, & deputat.

Privilegia hisce fratribus à Summis Pontificibus concessa habes supra in Confis. 51. In supremo.

Alexand. VII.

Quicunque audient confessio[n]es apud se habent literas habent.

Transumptum fides.

Sanctio paternalis.

Dat. P. A. die 26. Mart.

XXXV.